

縉雲文集

卷之四

卷之四

詳校官起居注主事臣顧宗泰

主事臣呂雲棟覆勘

總校官編修臣王燕緒

校對官中書臣李 蔡

膳錄監生臣官懋弼

欽定四庫全書

縉雲文集卷二

宋 馮時行 撰

七言古詩

遊君山值冰合不得進

東畧扶桑還掛席朔雪顛風經赤壁欲呼龍伯出珠宮
戲上君山吹玉笛仙人未熟長生酒故遣玄冰凍湖口
洞庭千里一鏡中煙鬟黛抹空回首丹經素書舊巖丘

長歌歸去吾不留他年酒熟當勸客鶴使相尋縉雲側

題張粹夫萬卷樓

儒生讀書不貴書枕頭閣脚醉夢餘反不若浮屠寶貝
為函金作字海龍扶出凌空虛君今收拾一萬卷置在
高樓截雲漢想當日月出沒間玉軸牙籤互璀璨我欲
牽車駕黃犢往發縑緗煥心目論孟久荒緣老病請君
為我刪嚴令

宴林簡州桃園

樂昌溪東大江頭脫木老屋風颼颼開門滿院種桃樹
桃花主人林簡州明年二月爛照眼簡州西川醉春晚
憑誰管領江上花但寄玉醪三萬盞為君對花連日夜
翻杯作雨雨花下使桃大如玉母所種高參天直使花
氣連西川

送召客

暮春送客朝明光顛風吹花繞施檣大江吞天日出沒
赤心許國一葦航平生夢躡螭龍尾天門九重九萬里

一朝巨手開天關丹極紫霄隨步履兒輩端非五湖匹
國柄今歸謝安石遙之別墅清晝長笑拂楸枰行折屐
共傾東海洗乾坤景仁況是名公孫四郊多壘士之耻
富貴浮雲何足論宦海十年風退鷁我亦彈冠聽推轂
安能鬱鬱久居此朔飢欲死心不死

和張仁甫李花韻

江頭誰家千樹李影落清江徹江尾風吹扁舟到花下
花間啁啾亦欣喜瑤林成徑千步長花光燭天天半香

恍如坐我羣玉府飛瓊酌勸青霞觴勝事此游難具列
照映肝腸盡明潔老懷已戒語作綺新詩向擬風回雪
東家西鄰詩更奇一時共借花光輝更須妙索留春句
無使花飛春告歸

李花已盡再用前韻末章專屬蒙景明資一笑
也

向來風前見桃李今日紛紛落風尾老人於花亦何有
不用天公事嗔喜漫天高跨風力長更飛急雨湔餘香

雪兒歌底踏舞馬燕子泥邊隨濫觴明粧皎皎爭前列
觸手還羞疑不潔芳菲已斷陽臺夢只有消煩嚼冰雪
明年祇應花更奇豈無方畧留春輝欲作短章憑阿素
只待西隣之子歸

李彥澤紫雲洞

玉帝侍臣紫雲翁帝嗔謫居跨黿峯年齡瞬息反帝所
空有衣冠藏山中山中草木俱不同紫雲霏微氣鬱葱
風清月白巖穴空翁猶被髮乘虬龍來從南箕驅長風

人間奔趨爭追蹤依稀可望不可從披尋遺編三復重舜
庭絳匏間笙鐘嗚呼翁兮終莫從姑從遺編愈盲聾

峽州楚塞樓

東南上流蜀之門領畧形勝斯樓存岷我之西江發源
勢如建瓴注平原出門頓息波濤喧五溪七澤相吐吞
蜿蜒紆餘帶城垣山亦却立且踞蹲排青壘翠來庭軒
座隅髣髴聞清猿我來新律當正元天地清夷日晏溫
主人延客開清樽酒酣踈襟忽孤騫北望兩京手可捫

感時撫事銷客魂
比聞敵幟猶繽繡
躡蹠海宇胥分奔
赤縣神州宜細論
翠華幾時驅育賁
歸挽天河洗乾坤
願見從來中國尊
老夫日拭雙瞳昏

遊莪眉

向來一紀登臨意
白髮顏齡才一至
阮哭窮途真可笑
孔小天下或如是
平生歷覽廓無礙
方稱老懷疎不緻
安能却粧住雲霄
更不婆娑下平地

杜如麓屢督烹茶仍作詩次其韻

老寄餘生山水窟寂無朝煙屈砵斫客從何方問棲隱
無人磨門杖藜出言間遺我翠玉餅把玩芳香襲呼吸
便欲洗琰試水晶腸胃空枯恐稱屈緘藏小篋掛東牖
惕若虬龍隨手入雲濤雪浪有變化扁鐺邕宜何鬱鬱
痛嘗七盃豈不願待營一飽終無及窮人談富如畫餅
浪說烹炮詭知識真求大嚼薦茗飲可笑詩人太癡絕
豈惟枵腹誤指染更并麗句成乾沒亦知且具衲子供
澆淋蔬筍供一啜恐君肺腑出宮商造物反怪太喧聒

又恐展轉夜不寐深思危慮比孤孽何如待我食萬錢
東閣大開玉醅潑翠娥捧香沃煩膩醉起一笑天地闊
男兒蓋棺事始定所不踐言有如日

廣安朱義從為渝上霜臺之客母夫人年八十
餘極其孝養一日有三白鷺翔集中庭不去
義從作翔鷺亭識其事縉雲子為賦此詩

振振鷺鷺于飛白華遺音詠潔白故此翔鷺呈鮮儀萱
堂八十癯僂姿無心更出風絮詞夜入佛觀燈耿耿晨

翻貝葉多髮絲郎君風標晉人上美渠照映清漣漪晨
昏定省履聲細鷺兮飛躍隨彩衣吾聞擊石百獸舞又
聞上世巢可窺余生眼明見異事感今懷昔為此詩

山中宿小民家夜聞虎因有感

虎叩門山風裊裊吹黃昏編蓬為戶隣虎穴敢於虎口
寄浮生干戈時有人相食更猛於虎角而翼虎叩門不
敢入使我愴惻長嘆息

正月二十日上山莊二月晦日歸不見花

山巒屹立屏幃山上無花不見春下山花落空惆悵
香空後芳草萌芳草萋萋愁更生子規啼血不見花春
又別我天之涯

和張仲山寄酒

兵厨盎盎享盈缶憐我十年青濮口投醪分惠繼以詩
詩更分香過於酒酒瓶詩卷墮我前頻使幽棲添二友
朝吟直到屋翻日夜醉不覺山銜斗也知庭內無留難
掃除弊事如揮帚龜陵千里數萬家誰不高擎加額手

公餘退食多燕衍一斗百篇因何有餘波借與草木春
況是江頭釣魚叟更煩遣騎日聯翩暖熟縉雲先馬走
夢師范太尉生日

秋空無雲倚太阿天駟不受金盤陀英姿傑氣狹宇宙
却立引手攀明河已辦長纓三百尺縛取單于寄飛駟
徐揮白羽掃龍庭停驂戲勒燕然石落落雄圖九萬里
白帝屈公朝夕耳天使中興氣象自公還還當與公金
石年